



საგანმანათლებლო პროგრამების აკრედიტაციის
საბჭოს გადაწყვეტილება
ქ. თბილისი



MES 2 23 0000183136



16/02/2023

სსიპ - სოხუმის სახელმწიფო უნივერსიტეტის "გერმანული ფილოლოგიის" საბაკალავრო
საგანმანათლებლო პროგრამის აკრედიტაციის თაობაზე

1. გადაწყვეტილების მიღების სამართლებრივი საფუძვლები

1.1. „უმაღლესი განათლების შესახებ“ საქართველოს კანონის 66-ე მუხლის პირველი პუნქტის, „განათლების ხარისხის განვითარების შესახებ“ საქართველოს კანონის 22-ე მუხლის პირველი პუნქტისა და საქართველოს განათლებისა და მეცნიერების მინისტრის 2011 წლის 4 მაისის №65/ნ ბრძანებით დამტკიცებული „უმაღლესი საგანმანათლებლო დაწესებულებების საგანმანათლებლო პროგრამების აკრედიტაციის დებულებისა და საფასურის დამტკიცების შესახებ“ (შემდგომში - აკრედიტაციის დებულების) 27² მუხლის პირველი პუნქტის მიხედვით, საგანმანათლებლო პროგრამების აკრედიტაციის საბჭო (შემდგომში - საბჭო) სააკრედიტაციო დოკუმენტაციის, აკრედიტაციის ექსპერტთა ჯგუფის დასკვნის, დაწესებულების მიერ აკრედიტაციის ექსპერტთა ჯგუფის დასკვნის პროექტზე წარმოდგენილი არგუმენტირებული პოზიციის შესწავლისა და ზეპირი მოსმენის გამართვის საფუძველზე იღებს გადაწყვეტილებას საგანმანათლებლო დაწესებულების საგანმანათლებლო პროგრამების აკრედიტაციის თაობაზე. აკრედიტაციის დებულების 27⁵ მუხლის მე-5 პუნქტის თანახმად, საბჭო ვალდებულია დაასაბუთოს მის მიერ მიღებული გადაწყვეტილება.

1.2. „განათლების ხარისხის განვითარების შესახებ“ საქართველოს კანონის 22-ე მუხლის მე-2 პუნქტის „ა“ ქვეპუნქტისა და აკრედიტაციის დებულების 27⁵ მუხლის პირველი პუნქტის „ა“ ქვეპუნქტის შესაბამისად, საბჭო იღებს გადაწყვეტილებას საგანმანათლებლო პროგრამისთვის აკრედიტაციის მინიჭების შესახებ.

1.3. აკრედიტაციის დებულების 27-ე მუხლის მე-7 პუნქტის შესაბამისად, საბჭო უფლებამოსილია, დასაბუთებული არგუმენტაციის შემთხვევაში, განსაზღვროს გადაწყვეტილებების ძალაში შესვლის თარიღი.

1.4. აკრედიტაციის დებულების 27-ე მუხლის მე-7 პუნქტის შესაბამისად, საბჭო უფლებამოსილია, დასაბუთებული არგუმენტაციის შემთხვევაში, განსაზღვროს გადაწყვეტილებების ძალაში შესვლის თარიღი.

2. აღწერილობითი ნაწილი და დასაბუთება

2.1. სსიპ - განათლების ხარისხის განვითარების ეროვნულ ცენტრში (შემდგომში - ცენტრი) წარმოდგენილ იქნა სსიპ - სოხუმის სახელმწიფო უნივერსიტეტის 2022 წლის 9 სექტემბრის № №15/07-413 (ცენტრში რეგისტრაციის № 1069159, 13/09/2022) წერილი "გერმანული ფილოლოგიის" საბაკალავრო საგანმანათლებლო პროგრამის აკრედიტაციის თაობაზე.

2.2. ცენტრის 2022 წლის 11 ოქტომბრის № 1274883 ბრძანების საფუძველზე, სსიპ - სოხუმის სახელმწიფო უნივერსიტეტი ცნობილ იქნა აკრედიტაციის მაძიებლად. ცენტრის 2022 წლის 25 ნოემბრის № 1502827 ბრძანების საფუძველზე შეიქმნა ექსპერტთა ჯგუფი, რომელმაც დაწესებულებაში ვიზიტი "გერმანული ფილოლოგიის" საბაკალავრო საგანმანათლებლო პროგრამის შეფასების მიზნით განახორციელა 2022 წლის 07 და 08 დეკემბერს. ექსპერტთა ჯგუფის მიერ წარმოდგენილი დასკვნის შესაბამისად, სააკრედიტაციოდ წარმოდგენილი პროგრამა შეფასდა შემდეგნაირად:

სტანდარტები	შესაბამისობაშია მოთხოვნებთან	მეტწილად შესაბამისობაშია მოთხოვნებთან	ნაწილობრივ შესაბამისობაშია მოთხოვნებთან	არ არის შესაბამისობაში მოთხოვნებთან
1. საგანმანათლებლო პროგრამის მიზანი, სწავლის შედეგები და მათთან პროგრამის შესაბამისობა		√		
2. სწავლების მეთოდოლოგია და ორგანიზება, პროგრამის ათვისების შეფასების ადეკვატურობა		√		
3. სტუდენტთა მიღწევები, მათთან ინდივიდუალური მუშაობა	√			
4. სწავლების რესურსებით უზრუნველყოფა	√			
5. სწავლების ხარისხის განვითარების შესაძლებლობები	√			

2.3. საბჭომ შეისწავლა საგანმანათლებლო პროგრამების აკრედიტაციასთან დაკავშირებული დოკუმენტაცია, კერძოდ, თვითშეფასების ანგარიშსა და მასზე თანდართულ დოკუმენტაციაში ასახული ინფორმაცია, ექსპერტთა ჯგუფის დასკვნა, ექსპერტთა ჯგუფის დასკვნის პროექტზე აკრედიტაციის მაძიებლის მიერ ცენტრისთვის წარმოდგენილი არგუმენტირებული პოზიცია.

2.4. ზეპირი მოსმენა გაიმართა 2023 წლის 15 თებერვალს. სააკრედიტაციო განაცხადის, აკრედიტაციის ექსპერტთა ჯგუფის დასკვნისა და ექსპერტთა ჯგუფის დასკვნის პროექტზე აკრედიტაციის მაძიებლის მიერ ცენტრისთვის წარმოდგენილი არგუმენტირებული პოზიციის, ასევე სხდომაზე დაინტერესებული მხარეების ზეპირი პოზიციის მოსმენის საფუძველზე, საბჭომ გაიზიარა ექსპერტთა დასკვნაში ასახული საერთო შეფასება.

3. სარეზოლუციო ნაწილი

„უმაღლესი განათლების შესახებ“ საქართველოს კანონის 66-ე მუხლის პირველი პუნქტის, მე-2 პუნქტის „ა“ ქვეპუნქტისა, მე-3 და მე-4 პუნქტების, „განათლების ხარისხის განვითარების შესახებ“ საქართველოს კანონის 22-ე მუხლის პირველი პუნქტის, მე-2 პუნქტის „ა“ ქვეპუნქტის, მე-3 და მე-8 პუნქტების, აკრედიტაციის დებულების 27² მუხლის პირველი პუნქტის, 27⁵ მუხლის პირველი პუნქტის „ა“ ქვეპუნქტისა და მე-5 პუნქტის, 27⁶ მუხლის პირველი პუნქტის „ბ“ ქვეპუნქტის, 33-ე მუხლის, „საჯარო სამართლის იურიდიული პირის - განათლების ხარისხის განვითარების ეროვნული ცენტრის საქმისწარმოების წესისა და შინაგანაწესის დამტკიცების შესახებ“ სსიპ - განათლების ხარისხის განვითარების ეროვნული ცენტრის დირექტორის 2011 წლის 01 ივნისის № 223 ბრძანების მე-8 მუხლისა და საქართველოს ზოგადი ადმინისტრაციული კოდექსის 53-ე მუხლის შესაბამისად, აკრედიტაციის საბჭომ, კენჭისყრის შედეგად 12 ხმით არცერთის წინააღმდეგ,

გადაწყვიტა:

1. დაკმაყოფილდეს იქნა სსიპ - სოხუმის სახელმწიფო უნივერსიტეტის მიერ წარმოდგენილი სააკრედიტაციო განაცხადი და დანართი № 1-ით გათვალისწინებულ "გერმანული ფილოლოგიის" საბაკალავრო საგანმანათლებლო პროგრამას მიენიჭოს აკრედიტაცია 7 წლის ვადით, 1 წელში რეკომენდაციების შესრულების თაობაზე ანგარიშის წარმოდგენით;
2. ცნობილ იქნას აკრედიტაციის ექსპერტთა ჯგუფის დასკვნა "გერმანული ფილოლოგიის" საბაკალავრო საგანმანათლებლო პროგრამის შესახებ ამ გადაწყვეტილების განუყოფელ ნაწილად (დანართი № 2).
3. ცნობილ იქნას საბჭოს 2023 წლის 16 თებერვლის სხდომის №183046 ოქმის № 04 ნაწილი ამ გადაწყვეტილების განუყოფელ ნაწილად (დანართი № 3).
4. დაწესებულებას განესაზღვრა შემდეგი რეკომენდაციები და რჩევები:

რეკომენდაციები:

- 4.1 რეკომენდებულია, დაწესებულებამ უზრუნველყოს აკადემიური და მოწვეული პერსონალის პროგრამის სწავლის შედეგების შეფასების პროცესში აქტიური ჩართულობა. აღნიშნული საკითხი, ამ ეტაპზე არ ვრცელდება რუსული ფილოლოგიის პროგრამაზე, რადგან პროგრამა ახალია;
- 4.2 სილაბუსებში საკონტაქტო და დამოუკიდებელ საათებს შორის თანაფარდობა განისაზღვროს კურსის შინაარსისა და სპეციფიკის გათვალისწინებით;
- 4.3 სილაბუსებში მიეთითოს კურსის შინაარსში დასახელებული სასემინარო მხატვრული ლიტერატურა;
- 4.4 რეკომენდებულია კურსების წინაპირობების განსაზღვრა კურსის სპეციფიკიდან გამომდინარე;

4.5 რეკომენდებულია, აკადემიური წერის სილაბუსის გადახედვა და გაუმჯობესება ფილოლოგიის მიმართულებით სამეცნიერო ბაზების გამოყენებისა და აკადემიური სტილის შესწავლის თვალსაზრისით;

4.6 რეკომენდებულია გადაიხედოს შეფასების კომპონენტები და შესაბამისი რუბრიკები, რათა უზრუნველყოფილი იყოს კურსის სასწავლო შედეგებზე გასვლა და სტუდენტს ჰქონდეს ამომწურავი ინფორმაცია მოსალოდნელი შეფასების, დავალების სახეობების შესახებ;

4.7 კლასტერში გაერთიანებული ყველა პროგრამის შემთხვევაში აუცილებელია სწავლებისა და შეფასების პროცესის ტექნიკური რესურსით სრულად უზრუნველყოფა;

4.8 რეკომენდებულია პროგრამის განვითარებაზე მომუშავე ჯგუფმა განახორციელოს პროგრამის როგორც შინაარსობრივი ასპექტების, ასევე პროგრამის განხორციელებისთვის აუცილებელი (მაგ., მატერიალურ-ტექნიკური) რესურსების საკმარისობის შესწავლა და მიღებული შედეგების გათვალისწინებით მოახდინოს პროგრამის შემაჯამებელი შეფასება.

რჩევები:

- სასურველია განხორციელდეს კლასტერში დაჯგუფებული ყველა პროგრამის საქართველოს უსდ-ების ანალოგიურ პროგრამებთან დადარების სრულყოფილი ანალიზის წარმოდგება;
- მიზანშეწონილია სტუდენტების განაწილება მოხდეს შიდა საუნივერსიტეტო გამოცდით უცხოურ ენაში, რაც საშუალებას მისცემს სტუდენტს სწავლა დაიწყოს იმ დონიდან, რომელიც შესაბამისი იქნება მის ენობრივ კომპეტენციასთან;
- კურიკულუმს დაემატოს დარგობრივი გერმანული ენის კურსი/ები (იურიდიული გერმანული, ბიზნესგერმანული), რაც დასაქმების ბაზარზე გერმანული ფილოლოგიის საბაკალავრო პროგრამის კურსდამთავრებულის კონკურენტუნარიანობას გაზრდის;
- სასურველია აკადემიურმა პერსონალმა, სემესტრის დასაწყისში და/ან საჭირო პერიოდულობით, სათანადო დრო დაუთმოს სილაბუსის სტუდენტებისთვის გაცნობას, როდესაც მიაწოდებს მათ ამომწურავ ინფორმაციას სწავლება-სწავლის მეთოდებთან დაკავშირებით;
- გერმანული ენის პრაქტიკულ კურსებში დაემატოს დამოუკიდებელი საშინაო წერითი დავალებების შეფასების კომპონენტი, რომელიც გააუმჯობესებს, ერთი მხრივ, სტუდენტის წერით უნარებს და ლექტორს საშუალებას მისცემს, ინტენსიურად დააკვირდეს სწავლის პროცესში წერითი კომპეტენციის განვითარების ეტაპებსა და გამოწვევებს, მეორე მხრივ, სტუდენტს გამოუმუშავებს სალექციო-სასემინარო პროცესში მიღებული ცოდნის დამოუკიდებლად პრაქტიკაში გამოყენების შესაძლებლობას;
- სასურველია ინგლისური ფილოლოგიის და გერმანული ფილოლოგიის პროგრამების ხელმძღვანელებმა, უნივერსიტეტის ხარისხის უზრუნველყოფის სამსახურის მხარდაჭერით, ხელი შეუწყოს პროგრამების სტუდენტების გაცვლით პროგრამებში მეტ ჩართულობას (ან უნივერსიტეტის შესაბამისმა სტრუქტურულმა ერთეულმა). საჭიროა ჩატარდეს ანალიზი შემაფერხებელი ფაქტორების შესახებ და დაიგეგმოს კონკრეტული ღონისძიებები გამოვლენილი ნაკლოვანებების დასაძლევად. მიზანშეწონილია რუსული ფილოლოგიის პროგრამის განხორციელებისთვის გათვალისწინებული იყოს იგივე პრაქტიკა;
- სასურველია, სტუდენტებს რეგულარულად მიეწოდოთ ინფორმაცია მათთვის განსაზღვრული საკონსულტაციო საათების შესახებ, მათ შორის, სილაბუსის ფარგლებში;
- სასურველია პროგრამაზე ჩართული აკადემიური/მოწვეული პერსონალი აქტიურად იყოს ჩართული ინტერნაციონალიზაციის პროცესში, რათა ეცნობოდეს ინტენსიურად დარგში არსებულ ახალ/აქტუალურ ცოდნას, რაც უზრუნველყოფს კვლევითი (საბაკალავრო, სამაგისტრო, სადოქტორო) ნაშრომების ხარისხს;
- სასურველია უნივერსიტეტმა ხელი შეუწყოს აკადემიურ პერსონალს მაქსიმალურად გამოიყენონ ელექტრონული ბაზები სამეცნიერო-კვლევითი საქმიანობისთვის.

მნიშვნელოვანი ინფორმაციის მატარებელი იქნება, თუკი უნივერსიტეტი აწარმოებს ელექტრონულ ბაზებზე წვდობის სტატისტიკას;

- მიზანშეწონილია გარე ექსპერტების (უსდ-ების წარმომადგენლების/სხვ.) მიერ პროგრამის შეფასება განხორციელდეს არამხოლოდ პროგრამის შემუშავების/მოდულირების ეტაპზე, არამედ ასევე ამ პროცესის დასრულების შემდგომაც, რაც ხელს შეუწყობს მოთხოვნებთან პროგრამის შესაბამისობის დადგენა დადასტურებას;
- მიზანშეწონილია „გერმანული ფილოლოგიის“ საბაკალავრო საგანმანათლებლო პროგრამის გარე შეფასება განხორციელდეს არამხოლოდ საქართველოს, არამედ უცხოეთის უსდ-ების დარგის სპეციალისტების მიერ რაც ხელს შეუწყობს პროგრამის თანამედროვე მოთხოვნებთან შესაბამისობას და საუკეთესო საერთაშორისო პრაქტიკის გაზიარების შესაძლებლობას.

5. რეკომენდაციების შესრულების თაობაზე ანგარიშის წარმოდგენის ვადად განისაზღვროს 1 წელი - 2024 წლის 15 თებერვალი.

6. საბჭოს აღნიშნული გადაწყვეტილება ძალაში შევიდეს 2023 წლის 15 თებერვალს.

7. საბჭოს მიერ მიღებული გადაწყვეტილება, საქართველოს ზოგადი ადმინისტრაციული კოდექსის 180-ე მუხლის პირველი ნაწილისა და „განათლების ხარისხის განვითარების შესახებ“ საქართველოს კანონის 24 მუხლის პირველი პუნქტის შესაბამისად, საგანმანათლებლო დაწესებულების მიერ შეიძლება გასაჩივრდეს სააპელაციო საჩივრის სააპელაციო საბჭოში წარდგენის გზით შემდეგ მისამართზე: ქ.თბილისი, მ. ალექსიძის II შესახვევი №2, ან თბილისის საქალაქო სასამართლოს ადმინისტრაციულ საქმეთა კოლეგიაში სარჩელის შეტანის გზით შემდეგ მისამართზე: ქ. თბილისი, დავით აღმაშენებლის ხეივანი №64, აღნიშნული გადაწყვეტილებისა და მისი დასაბუთებითი ნაწილების (დანართი №1, დანართი №2, დანართი №3) ცენტრის ვებ-გვერდზე (www.eqe.ge) გამოქვეყნების დღიდან, ერთი თვის ვადაში.

საგანმანათლებლო პროგრამების აკრედიტაციის

საბჭო

საბჭოს თავმჯდომარე

ბუჩაშვილი გოდერძი




საგანმანათლებლო პროგრამების

აკრედიტაციის საბჭო

საბჭოს მდივანი

ტეფნაძე დავით



№	ინფორმაცია საგანმანათლებლო პროგრამის შესახებ	
1	საგანმანათლებლო პროგრამის დასახელება	გერმანული ფილოლოგია
2	ერთობლივი უმაღლესი საგანმანათლებლო პროგრამა	-
3	სტატუსი	აკრედიტებული
4	სტატუსის გათვალისწინებით, საბჭო(ებ)ს გადაწყვეტილების თარიღი და ნომერი	№ 741, 28.11.12
5	ხელახალი აკრედიტაციის შემთხვევაში საგანმანათლებლო პროგრამის წინა დასახელება	-
6	უმაღლესი განათლების საფეხური	ბაკალავრიატი
7	დაშვების წინაპირობები	-
8	კვალიფიკაციის დონე	VI
9	კვალიფიკაციის დასახელება	გერმანული ფილოლოგიის ბაკალავრი
10	ზოგადი განათლების შესაბამისი საფეხურის საგნის/საგნების/საგნობრივი ჯგუფის სწავლების უფლების მითითებით	-
11	დეტალური სფეროს დასახელება და კოდი (ISCED – F – 2013)	0231 - ენის დაუფლება
12	სწავლების ენა	ქართული
13	ECTS კრედიტების ჯამური რაოდენობა	240
14	განხორციელების ადგილი	კორპ. #2, პოლიტკოვსკაიას 26 თბილისი, საქართველო
15	მსჯავრდებულ აბიტურიენტთა საგანმანათლებლო პროგრამაზე სწავლა-სწავლების უფლებამოსილება	-
16	ამ გადაწყვეტილების ძალაში შესვლის თარიღი	15/02/2023
17	აკრედიტაციის საბჭოს მიერ გაცემული რეკომენდაციების შესრულების თაობაზე ანგარიშის წარმოსადგენად/მონიტორინგის განსახორციელებლად განსაზღვრული ვადა	1 წელი (2024 წლის 15 თებერვალი)
18	აკრედიტაციის ვადის გასვლის თარიღი	15/02/2030